

聚學軒叢書

周禮補注卷二

聚學軒叢書第四集

旌德呂飛鵬學

貴池劉世珩校刊

地官司徒

掌邦教注教所以親百姓訓五品 今文尙書百姓不親五品不訓鄭本此

鄉老二鄉則公一人注老尊稱也王置六鄉則公有三人也三公者內與王論道中參六官之事外與六鄉之教其要爲民是以屬之鄉焉 案三公尊爲帝師無爲司徒屬官之理江氏永云鄉老是三公之致仕者行鄉飲禮當爲遵有無不定故附見於鄉大夫而無職掌老而稱公者史記新城三老董公項籍傳有

南公服虔注云南方之老人也睦宏傳有嬴公師古
注云長老之號是其證也

鄉大夫每鄉卿一人 馬融傳云達以爲六鄉大夫則

冢宰以下

周禮
廢興

疏云六鄉則卿六人各主一鄉之

事然總屬司徒非六官典兼鄉大夫知者以鄭注大
司馬云軍吏選於六官六鄉之吏爲之既六官六鄉
並言故知別置飛鵬案六鄉之吏卽此經鄉大夫以
下也大司馬疏云選於六官者謂王朝六卿又別言
六鄉之吏者據六鄉大夫及州長黨正賈景伯謂冢
宰以下是以王朝六卿兼六鄉大夫非也

注六鄉地在遠郊之內則居四同 疏言此者破賈馬

六鄉之地在遠郊五十里內五十里外置六遂

州長每州中大夫一人黨正每黨下大夫一人 鄉飲酒義鄉人士君子尊於房戶之間注云鄉人鄉大夫也士州長黨正也飛鵬案此經言大夫彼注言士蓋指諸侯之州長黨正而言故與此異

縣師注主天下土地人民已下之數 江氏永曰縣師雖通掌內外地域而所主實爲家稍縣都及其閭之公邑三等稍地縣爲中故舉中以該之注謂縣師主天下土地人民已下之數非也天下土地人民自有職方氏掌之亦但知其數要耳其詳數自在列國諸侯若縣師者上士中士止六人豈能一一稽之又四

郊以內之人民田萊等自有鄉遂之官稽之亦非縣師之職

保氏注書敘曰周公爲師召公爲保相成王爲左右聖賢兼此官也 鄭志趙商問案成王周官立大師大傅大保茲惟三公卽三公之號自有師保之名成王周官是周公攝政三年事此周禮是周公攝政六年詩則三公自名師保起之在前何也鄭答曰周公左召公右兼師保初時然矣

司門

干寶注如今校尉

劉昭續漢志注

案續漢志城門校

尉一人比二千石本注曰掌雒陽城門十二所鄭注云若今城門校尉主王城十二門蓋謂此

每門下士二人

干寶曰如今門候

劉昭續漢志注

案續漢

志每門候一人六百石

掌節

義宗曰節長尺二寸秦漢以下改爲旌幢之形

通鑑音注

土訓注鄭司農云訓讀爲馴

惠棟曰訓與馴古今字

史記五帝紀云帝堯能明馴德徐廣曰馴古訓字又

殷本紀帝舜命契曰百姓不親五品不馴後漢書又

作訓

古文作遜俗作遜

萬石君傳馴行孝謹亦作訓易坤初

六象曰馴致其道鄭注云馴從也徐爰音訓

迹人

哀十四年傳迹人來告曰逢澤有介麋焉是春

秋時猶有是官也

川人注卩之言礦也金玉未成器曰礦 說文云礦銅

鐵樸石也从石黃聲讀若礦徐鍇曰銅鐵之生者多連石也周禮作卩段玉裁云各本此下出卩篆解云古文礦周禮有卩人案周禮注云卩之言礦卩非礦字也凡云之言者皆就其雙聲疊韻以得其轉注假借之端卩本說文卯字古音如關亦如鯤引伸爲總角卩兮之卩又借爲金玉樸之礦九經字據曰卩卯上說文下隸變是說文卯字作卩唐時不誤今時說文作卯不作卩則五季以後據字林改說文者所爲也說文旣無卩淺人於石部妄增之卩果是古文礦則鄭何必云之言賈何必云此官取金玉於卩字無

所用哉

舂人女舂抗二人注抗抒曰也詩云或舂或抗 鄭注
有司徹二手執桃七枋以挹酒云桃讀如或舂或抗
之抗字或作挑者秦人語也今文桃作抗飛鵬案毛
詩作掄韓詩作抗說文作𠂔云抒曰从𠂔爪聲詩曰
或籛或𠂔或从手𠂔作𠂔徐鍇曰周官有女舂抗謂
抗曰中米也

饔人注故書饔作饔 說文饔酒食从食喜聲或从𠂔
作𠂔或从米作糒 案特牲注炊黍稷曰饔古文饔
作糒周禮作𠂔是鄭以饔爲今文其箋詩七月大田
諸章云喜讀爲饔則又假喜爲饔也

大司徒掌建邦之土地之圖注土地之圖若今司空郡國輿地圖 疏案漢蕭何收秦圖籍知天下阨塞廣遠至後漢乃有司空郡國地圖 漢制攷武帝元狩六年御史大夫奏輿地圖請所立國名立齊燕廣陵三王淮南王安與左吳等案輿地圖部署兵所從入疏謂後漢乃有蓋攷之未詳也光武披輿地圖指示鄧禹建武十五年封皇子大司空上輿地圖馬援曰前披輿地圖見天下郡國百有六所肅宗建初中案輿地圖今諸國戶口皆等租入

周知九州之地域廣輪之數 馬融云東西爲廣南北

爲輪

本疏

墳衍 方言墳地大也青幽之間凡土而高且大者謂之墳

原隰 釋文原本又作遼 說文云遼高平之野人所登从辵备彖闕原徐鍇云水所出爲原故卽爾雅廣平曰遼今周禮有遼師猶此遼字爾雅則變爲原也許慎闕之義不盡知錯以爲人所登故從辵登而上故從父父止也春秋左傳曰原田每每詩曰周原膺膺故從田未知何故從彖也

設其社稷之壇而樹之田主各以其野之所宜木 論語哀公問社於宰我釋文曰問社鄭本作主云主田主謂社 魏書劉芳傳芳以社稷無樹上疏曰司徒

職云設其社稷之壇而樹之田主各以其社之所宜木鄭元注云所宜木謂若松柏栗也又小司徒封人職云掌設王之社壇爲畿封而樹之鄭元注云不言稷者王主於社稷社之細也白虎通云社稷所以有樹何也尊而識之也使民望卽敬之又所以表功也五經通義云天子大社王社諸侯國社侯社制度奈何曰社皆有垣無屋樹其中以木有木者土主生萬物萬物莫善於木故樹木也又五經要義云社必樹之以木周禮司徒職曰班社而樹之各以土地所生尚書逸篇曰大社惟松東社惟柏南社惟梓西社惟栗北社惟槐此大社及四方皆有樹別之明據也又

見諸家禮圖社稷圖皆畫爲樹惟誠社誠稷無樹案
論語稱夏后氏以松殷人以柏周人以栗便是世代
不同而尙書逸篇則云大社惟松東社惟柏南社惟
梓西社惟栗北社惟槐如此便以一代之中而五社
各異也 案鄭注論語問主云田主謂社則此經田
主亦當爲社稷之主故後鄭釋之云后土田正之所
依蓋田神卽后土田正之神非后土田正之外別有
田神也孔穎達甫田疏引大司徒注而云此田祖其
文得兼有后土后稷而司徒言田主則其文不得兼
神農彼云設其社稷之壇而樹之田主則田主惟社
稷不得有神農其說審矣賈疏云田主爲神農以神

農爲田主后土田正二神憑依之同壇共位非也

動物 案五地本於五行五行之蟲乃五地之動物也

素問五常大論曰木曰敷和火曰升明土曰備化金曰審平水曰靜順敷和之紀其化生榮其蟲毛升明之紀其化蕃茂其蟲羽濡化之紀其化豐滿其蟲倮審平之紀其化堅斂其蟲介靜順之紀其化凝堅其蟲鱗又曰厥陰司天毛蟲靜在泉毛蟲育少陰司天羽蟲靜在泉羽蟲育太陰司天倮蟲靜在泉倮蟲育陽明司天介蟲靜在泉介蟲育太陽司天鱗蟲靜在泉鱗蟲育

或作耗

誤也

據此則厥陰屬木山林得木之氣

故動物宜毛物太陽屬水川澤得水之氣故動物宜

鱗物少陰屬火邱陵得火之氣故動物宜羽物陽明屬金墳衍得金之氣故動物宜介物太陰屬土原隰得土之氣故動物宜倮物

阜物注鄭司農云柞栗之屬今世間謂柞實爲阜斗

大雅柞械拔矣箋云柞櫟也唐風集于苞栩陸璣疏云今柞櫟也徐州人謂櫟爲杼或謂之爲栩其子爲阜斗其殼爲汁可以染阜小爾雅云柞之實謂之櫟說文栩柔也从木羽聲其實阜一曰樣又云樣栩實繫傳曰今俗書作櫟又云草草斗櫟實一曰櫟斗飛鵬案說文無阜字草卽阜字櫟本作象阜斗一名象斗掌染草云藍蒨象斗之屬是也胡承珙云櫟似栗

而圓近蒂處有株橐自裏謂之象斗可用以染其實如小栗而微長者爲杼與橡相似而微異要之皆柞實也據此則柞似栗故先鄭以阜物爲柞栗之屬

膏物 禮說云五地之植物穀爲先山海經曰都廣之野爰有膏菽膏稻膏黍膏稷言味好皆滑如膏也然則川澤宜膏如都廣之野矣據此則膏讀如字

羸物 江氏永曰羸物宜原隰自當如月令倮蟲屬中夬以無羽毛鱗介者爲羸鄭注以虎豹貔獬之屬釋之誤矣

九等注九等駢剛赤緹之屬 案九等左傳以山林藪澤京陵洧鹵疆潦偃豬原防隰皋衍沃之地分爲九

等江氏永云九等當如禹貢分田爲九等小司徒乃均土地注云止以七人六人五人爲率者有夫有婦然後爲家自二人以至於十爲九等七六五者爲其中疏云二人三人四人是下地之三等也五人六人七人是中地之三等八人九人十人是上地之三等此經惟言七六五者據中地之三等則知有上地下地之三等若然則與禹貢九等之田合江氏說可從以土圭之灋測土深正日景以求地中注凡日景於地千里而差一寸 張衡靈憲曰天有九位自地至天一億萬六千二百五十里懸天之晷薄地之儀皆千里而差一寸飛鵬案此說與鄭義合 惠上奇曰劉

宋元嘉十九年使往交州測景夏至景出表南三寸二分計交州去陽城萬里而景差一尺一寸八分是八百四十七里有奇而景差一寸也梁大同中金陵測景夏至長一尺一寸七分強後魏永平元年當梁天監七年洛陽測景長一尺五寸八分計金陵去洛千里而景差四寸是二百五十里而景差一寸也由金陵至洛如自堂塗上堂階故路近而差多由陽城至交如從山頂下山足故路遠而差少千里一寸非其實矣唐開元十二年滑州白馬縣測景夏至尺有五寸七分南至汴州浚儀百九十八里有奇景長尺有五寸微強又南至許州扶溝六十七里有奇景長